

## Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <a href="http://about.jstor.org/participate-jstor/individuals/early-journal-content">http://about.jstor.org/participate-jstor/individuals/early-journal-content</a>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

Misera condicio filiorum euę. Cunctis his qui fuerint assistentes leue. uel lamentum breue. Non erit suplicium Nichil apud inferos sonat nisi ve ve. pedis fixi gressum. His intentus sedulo cunctis. ite pessum. Dixi uanitatibus Videns me deficere uiatorem fessum. Sub istius ordinis\* umbram ibi sessum.

\* über diesen zwei worten die erklärung Monachilem

Schliesslich noch eine vermutung über die persönlichkeit unsers dichters. er war aus dem Breisgau (Grimm s. 37). warum dann nicht jener Walther von Horburg von welchem der dichter des Reinhard 1024 ff. eine gewohnte rede mittheilt, wie sie ganz auf den lebenswegen des erzpoeten lag? der herrentitel des von Horburg darf nicht stoßen. denn der archipoeta war von edler geburt (ortus ex militibus iv, 18), und auch Freidank wird eben sowohl her als meister als endlich vagus genannt (Grimm s. 114).

WILH. WACKERNAGEL.

## LA CHANSON D'ALEXIS.

Das altfranzösische gedicht von dem heiligen Alexius welches ich hier mittheile befindet sich in einer pergamenthandschrift die ehemals den englischen benedictinern des klosters Lamspringe unweit Hildesheim angehörte,\* jetzt aber eigenthum der Godehardikirche in Hildesheim geworden ist. die handschrift ist in folio und enthält auf den ersten acht blättern einen kalender, auf den nächsten zwanzig blättern gemälde die sich auf die biblische geschichte beziehen, und auf bl. 29—34 die legende von Alexius. der übrige inhalt der handschrift besteht meistens aus lateinischen gebeten.

Auf der vorderseite von bl. 29 befindet sich ein gemäl-

<sup>\*</sup> auf dem ersten blatte steht liber monasterii Lambspringensis congregationis Anglicanae. das ehemalige nonnenkloster Lamspringe wurde im jahre 1643 mit englischen benedictinern besetzt.

de welches den abschied des Alexius von seiner braut darstellt, und folgende überschrift zu dem gedichte Ici cumencet amiable cancun e spiritel raisun di ceol noble barun Eufemien par num e de la uie de sum filz boneuret del quel nus auum oit lire e canter. par le diuine uolentet il desirrables icel sul filz angendrat. apres le naisance co fut emfes de deu methime amet e de pere e de mere par grant certet nurrit. la sue iuuente fut honeste e spiritel. par lamistet del suuerain pietet la sue spuse iuuene cumandat al spus uif de ueritet ki est un sul faitur e regnet an trinitet. Icesta istorie est amiable grace e suuerain consulacium a cascun memorie spiritel les quels uiuent purement sulunc castethet e dignement sei delitent es goies del ciel et es noces uirginels. auf bl. 29b beginnt das gedicht selbst, das in fortlaufenden zeilen geschrieben ist, ohne dass die strophen oder die verse abgesetzt wären. jedoch sind die anfangsbuchstaben der einzelnen strophen durch farbige dinte kenntlich gemacht und die versenden gewöhnlich durch punkte bezeichnet. auf jeder seite befinden sich 35 zeilen, die auf den beiden ersten blüttern abwechselnd mit rother und blauer dinte geschrieben sind. auf bl. 30b scheint eine andere aber gleichzeitige hand anzufangen.

Die handschrift gehört allem anscheine nach noch in das zwölfte jahrhundert. die punkte über dem i fehlen und die abkürzungen sind nicht zahlreich. das gedicht selbst darf in den anfang des zwölften oder selbst noch in das elfte jahrhundert gesetzt werden; wenigstens stimmt die sprache mit der in der alten übersetzung der bücher der könige und ist gewiss nicht jünger als diese. die einreimigen strophen sind fünfzeilig, mit ausnahme von str. 51. 70. 95, welche aus vier zeilen bestehen, und str. 55, welche nur drei zählt.

Die sage von Alexius, so wie sie in unserm gedichte erscheint, schliefst sich den hauptzügen nach um meisten an die vita S. Alexii in den Actis Sanctorum Bolland. Jul. 1V, 251—253; vergl. Mafsmanns Alexius 167—171. doch wird hier weder der name der mutter (Aglaë) noch der der braut (Adriatica) genannt. Alexius kommt auf seiner flucht nach der lateinischen legende zuerst nach Lao-

dicea und geht darauf nach Edessa. in unserm gedichte wird der erste aufenthaltsort des heiligen gar nicht, der zweite Alsis genannt, was um so eher für eine verderbnis zu halten ist da auch andere namen in dem gedichte entstellt sind. so wird der kaiser Arcadius 62, 2 Acharies genannt, und der geistliche welcher nach dem tode des heiligen sein von ihm selbst beschriebenes leben vorliest heisst 75, 5 Esauie, während er dort den namen Ethius führt. sonst fehlen in dem gedichte auch noch manche kleine züge der sage welche sich in der lateinischen abfassung vorfinden, z. b. dass Alexius in der kirche des heil. Bonifacius getraut wurde und anderes was ich hier füglich übergehen darf. danach werden wir aber schließen dürfen daß unser dichter, obgleich er, wie aus den eingestreuten priesterlichen betrachtungen hervorgeht, wahrscheinlich ein geistlicher war, nicht unmittelbar nach dieser oder einer ähnlichen lateinischen abfassung dichtete, sondern die legende ihren hauptzügen nach so wiedergab wie er sie gehört hatte. dass die sage sehr verbreitet war ist bekannt und es erweisen es auch die worte der überschrift unseres gedichtes del quel nus auum oit lire et canter.

Von dem nicht geringen poetischen werthe dieses gedichtes wird sich der leser selbst überzeugen. eine angemeßene kräftige kürze, eine volksmäßige epische farbe, eine durchgehende wärme zeichnen es vortheilhaft aus. über dem erbaulichen der sage, welches der dichter allerdings in den vordergrund treten läßt, hat er nicht vergeßen das rein menschliche das in derselben liegt hervorzuheben. namentlich sind die klagen der eltern und der braut, als sie denjenigen todt vor sich sehen den sie so lange vergebens erwartet haben und der so viele jahre kümmerlich bei ihnen unerkannt gelebt hat, bei aller einfachheit ansprechend und rührend.

Ich habe noch einige worte über die art der herausgabe zu sagen. das gedicht erscheint hier getreu nach der handschrift abgedruckt. die strophen und verse sind abgesetzt, die punkte über dem i hinzugefügt. auch schien es das leichtere verständnis zu erfordern nicht nur die interpunction hinzuzufügen, sondern auch kleine partikeln und

pronomina, welche in der handschrift häufig mit andern wörtern zusammengeschrieben sind, von denselben zu trennen wo eine solche trennung mit sicherheit vorgenommen werden konnte. im übrigen habe ich nur einige wenige offenbare fehler gebefsert und diese änderungen unter dem texte angezeigt. aber die ganze inconsequente und schwankende schreibweise ist nicht angetastet; auch die abkürzungen sind beibehalten.

Göttingen.

WILHELM MÜLLER.

Bons fut li secles al tens ancienur: quer feit iert e iustise et amur, si ert creance, dunt ore ni at nul prut; tut est muez, perdut ad sa colur: ia mais niert tel cum fut as anceisurs.

ia mais niert tel cum fut as anceisurs.

Al tens Noe et al tens Abrahā
et al Dauid qui deus par amat
tant bons fut li secles, iamais nert si uailant:
uelz est e frailes, tut sen uat remanant;

sist ampairet, tut bien uait remanant.

Puis icel tens q ds nus uint saluer, nostra anceisur ourent cristientet, si fut un sire de Rome la citet, rices hom fud de grant nobilitet: pur hoc uus di dun son filz uoil parler.

4 Eufemien si out annum li pedre, cons fut de Rome des melz ki dunc ieret: sur tuz ses pers lamat li emperere. dunc prist muiler uailante et honurede des melz gentils de tuta la cuntretha.

Puis converserent ansemble longament, nourent amfant; peiset lur en forment. 'e deu' apelent andui parfitemt, 'e reis celeste, par ton cumandemt amfant nus done qui seit a tun talent!'

Tant li prierent par grant humilitet q la muiler dunat fecunditet.

4, 1. in dem worte Eusemian sehlt der buchstabe E; der raum desselben ist für den mahler offen gelassen. 4, 2. l. ierent

29<sup>b</sup>

un filz lur dunet; sil en sourent bont gret: de sain batesma lunt fait regenerer, bel num li metent sur la cristientet.

Fud baptizet, si out num Alexis.

ki lui portat suef le fist nurrir;

puis ad escole li bons pedre le mist:

tant aprist letres que bien en fut guarnit,

puis uait li emfes lemperethur seruir.

8 Quant ueit li pedre que mais naurat amfant mais que cel sul que il par amat tant, dunc se purpenset del secle an auant; or uolt que pnget moyler a sun uiuant: dunc li acatet filie dun noble franc.

Fud la pulcela nethe de halt parentet, fille ad un conpta de Rome la ciptet; nat mais amfant, lui uolt mult honurer. ansemble an uunt li dui pedre parler, lur dous amfanz uolent faire asembler.

Doinent lur terme de lur adaisement:
quant uint al fare, dunc le funt gentemt.
danz Alexis lespuset belament;
mais co est tel plait dunt ne uolsist nient:
de tut an tut ad a deu sun talent.

Quant li iurz passet et il fut aniutet, co dist li pedres 'filz, quar ten uas colcer auoc ta spuse al cumand deu del ciel.' ne uolt li emfes sum pedre corocier;

uint en la cambra ou ert sa muiler.

Cum ueit le lit, esguardat la pulcela, dunc li remembret de sun seinor celeste, que plus ad cher q tut aueir terrestre. 'e deus' dist il, 'cum fort pecet mapresset! se or ne men fui, mult criem que ne tem perde.

Quant an la cambra furent tut sul remes, dans Alexis la prist ad apeler: la mortel uithe li prist mult a blasmer, de la celeste li mostret ueritet; mais lui est tart quet il sen seit turnet. 30°

6, 3. 1. bon

9

- 14 'Oz mei, pulcele, celui tien ad espus, ki nus raens de sun sanc precius. an ices secle nen at parfit amor; la uithe est fraisle, ni ad durable honur; cesta lethece reuert a grant tristur.'
- 15 Quant sa raisun li ad tute mustrethe, pois li cumandet les renges de sespethe et un anel: a deu li ad comandethe. dunc en eissit de la cambre sum pedre, ensur nuit sen fuit de la contrethe.
- Dunc uint errant dreitemt a la mer.
  la nef est preste, ou il deueit entrer:
  dunet sum pris et enz est aloet.
  drecent lur sigle, laisent curre par mer,
  la pristrent terre, o deus lest uolt mener.
- Dreit a la lice co fut citet mult bele; iloec ariuet sainement la nacele.

  dunc an eisit danz Alexis acertes:

  co ne sai io cum longes i conuerset
  ou que il seit; de deu seruis ne cesset.
- Diloc alat an Alsis la ciptet
  pur une imagine dunt il oit parler,
  qued angeles firent par cumandemt deu
  el num la uirgine ki portat saluetet,
  sainta Marie, ki portat damne deu.
- Tut sun auer qued sei en ad portet, tut le depart par Alsis la citet; larges almosnes que gens ne len remest dunet as poures u quil les pout trouer, pur nul auer no uolt estra ancumbret.
- Quant sun auer lur ad tot departit, ent<sup>u</sup> les pures se sist danz Alexis, recut lalmosne, quant deus la li t<sup>u</sup>mist: tant an retint dunt ses cors puet guarir, se lum remaint sil rent as pouerins.
- 21. Or reuendrai al pedra et a la medra et a la spuse qued il out espusethe.
- 14, 3. in der handschrift parsit 20, 5. lum könnte auch luin gelesen werden. vergl. se lui en remaint 51, 3.

30<sup>b</sup>

quant il co sourent qued il fud si alet, co fut granz dols quet il unt demenet, e granz deplaint par tuta la citiet.

Co dist li pedres 'cher filz, cum tai perdut!'
respont la medre 'lasse, qued est deuenut!'
co dist la spuse 'pechet le mat tolut;
e chers amis, si pou uus ai out!
or sui si graime, qui ne puis estra plus.'

23 Dunc prent li pedre de se meilurs serganz

Dunc prent li pedre de se meilurs serganz, par multes terres fait querre sun amfant, iusque an Alsis en uindrent dui errant: iloc truuerent danz Alexis sedant, mais nan conurent sum uis ne sum semblant.

Des at li emfes sa tendra carn mudede.

nel reconurent li dui sergant sum pedre,
a lui medisme unt lalmosne dunethe.
il la receut cume li altre frere:
nel reconurent, sempres sen returnerent.

Nel reconurent ne nel unt anterciet.

danz Alexis an lothet deu del ciel
di cez sons sers qui il est prouenders:
il fut lur sire, or est lur almosners.
ne uus sai dire cum il sen firet liez.

Cil sen repairent a Rome la citet, nuncent al pedre que nel pourent truuer. set il fut graim, nel estot demander: la bone medre semprist a dementer e sun ker filz suuent a regreter.

27 'Filz Aleis, purquei portat ta medre?
tu mi es fuit, dolente an sui remese.
ne sai le leu ne nen sai la contrede
u talge querre; tute en sui esguarethe:
iamais nierc lede, kers filz, nul ert tun pedre.

Vint en la cambre plaine de marrement, si la despeiret, que ni remest nient; ni remest palie ne nelil ornement: a tel tristur aturnat sun talent, unches puis cel di ne se contint ledement.

29 'Cambra' dist ela, 'iamais nestras parede, Z. F. D. A. V. 20 30

31

35

36

ne ia ledece nert an tei demenede!' si lat destruite, cum dis lait host depredethe; sas i fait pendre curtines der amedes: sa grant honur a grant dol ad aturnede.

Del duel sasist la medre iusq; a t're: si fist la spuse dans Alexis acertes. 'dama' dist ele, 'io iai si grant perte, ore uiurai an guise de turtrele! quant nai tun filz, ansemblot tei uoil estra.'

Co di la medre 'se a mei te uols tenir, sit guardarai pur amur Alexis: ia nauras mal dunt te puisse guarir. plainums ansemble le doel de nre ami, tu de tun seinur, iol frai pur mun filz.'

Ne poet estra altra, turnent el consirrer; mais la dolur ne pothent ublier. danz Alexis en Alsis la citet sert sun scinur par bone uolentet: ses enemis nel poet anganer.

Dis eseat anz, nen fut nient a dire:
penat sun cors el damne deu seruise.
pur amistet ne dami ne damie
ne pur honurs ki len fussent tramise
nen uolt turner tant cum il ad amure.

Quant tut sun quor en ad si afermet, que ia sum uoil nistrat de la citied, deus fist limagine pur sue amur parler al seruitor ki serueit al alter. co li cumandet 'apele lume deu!'

> Co dist limagena 'fai lume deu uenir, quar il ad deu bien seruit et agret, et il est digne dentrer en paradis.' cil uait, sil quert, mais il nel set coisir, icel saint home de cui limagene dist.

Reuint li costre al imagine el muster. 'certes' dist il, 'ne sai cui antercier.' respont limagine 'co est cil qui tres lus set: pres est de deu e des regnes del ciel, par nule guise ne sen uolt eslumer.'

31'

Cil uait, sil quert, fait lel muster uenirest uus les ample par tres tut le pais, que cele imagine parlat pur Alexis: tres tuit lonurent, li grant e li petit, et tuit le prient que de els eut mercit.

Quant il co ueit, quil uolent onurer, 'certes' dist il, 'ni ai mais ad ester: di cest honur nen reuoil ancumbrer. ensur nuit senfuit de la ciptet, dreit a la lice reuint li sons edrers.

39 Danz Alexis entrat en une nef.
ourent lur uent, laisent curre par mer.
andreit Tarson espeiret ariuer,
mais ne puet estra, ailurs lestot aler:
andreit a Rome les portet li orez.

A un des porz ki plus est pres de Rome, iloec ariuet la nef ai cel saint home. quant uit sun regne, durement sen redutet de ses parenz qued il nel recunuissent e del honur del secle nel encumbrent.

'E deus' dist il, 'bels sire, qui tut guuernes, se tei ploust, ci ne uolisse estra! sor me conuissent mi parent di cesta terre. il me prendrunt par pri ou par poeste; se ios ancreid, il me trair't a perdra.

Mais ne pur huec mun pedre me desirret: si fait ma medra plus q; fēme qui uiuet auoc ma spuse que io lur ai guerpide. or ne lairai nen mete an lur bailie, nen conuistrunt tanz iurz ad que nen uirent.

43 Eist de la nef e uint andreit a Rome, uait par les rues dunt il ia bien fut cointe. naltra pur altre mais sun pedre i ancuntret, ansemblot lui grant masse de ses humes. sil reconut, par sun dreit num le numet.

'Eufemien, bel sire, riches hom, quar me herberges pur deu an tue maison, suz tun degret me fai un grabatum

<sup>41, 1.</sup> über sire ist reis übergeschrieben.

45

47

em pur tun filz dunt tu as tel dolur, tut soi amferm sun pais pur sue amor! Quant ot li pedre le clamor de sun filz, plurent si oil, ne sen puet astenir. por amor deu e pur mun cher ami tut te durai, boens hom, quanq; mas quis, lit et ostel e pain e carn e uin.

46 'E deus' dist il, 'quer ousse un sergant, kil me guardrat! io len fereie franc.' un en i out, ki sempres uint auant. 'asme' dist il, 'kil guard pur ton cumand: pur tue amur an so ferai lahan.'

Dunc le menat andreit suz le degret, fait li sun lit oil pot reposer, tut li amanuet quanq; besuinz liert. contra seinur ne sen uolt mes aler: par nule guise ne lem puet hom blasmer.

48 Souent le uirent e le pedre e le medra e la pulcele quet liert espusede: par nule guise unces nel auiscrent. nil ne lur dist, nels nel demanderent quels hom esteit ne de quel terre il eret.

49 Souentes feiz lur ueit grant duel mener e de lur mult tendrement plurer, e tut pur lui, unces nient pur cil. danz Alexis le met el consirrer? ne len est rien, issi est aturnet.

50 Soz le degret ou il gist sur sanate, iluec paist lum del relef de la tabla, a grant pouerte deduit sun grant parage. co ne uolt il que sa mere le sacet: plus aimet deu que tut sun linage.

De la uiande ki del herberc li uint tant an retint dunt sun cors an sustint; se lui en remaint, sil rent as pourins; nen fait musgode pur son cors engraisser.

En sainte eglise conuerset uolenters, cascune feste se fait a comunier,

49, 2. nach lur scheint oils zu fehlen. 3. eil übergeschrieben.

sainte escriture co ert ses conseilers, del deu seruise se uolt mult efforcer, par nule guise ne sen uolt eslumer.

- 53 Suz le degret ou il gist e conuerset iloc deduit ledement sa pouerte. li serf sum pedre ki la maisnede seruent lur lauadures li getent sur la teste: ne sen corucet, net il nes en apelet.
- Tuz le scarnissent, sil tenent pur bricun; legua li getent, si moilent sun lincol.

  ne sen corucet gieus cil saintismes hom; ainz priet deu quet ille luz parduinst par sa mercit, quer ne seuent que funt.
- 55 Iloc converset eisi dis e set anz: nel reconut nuls sons apartenanz, ne nuls hom ne sout les sons ahanz.
- Trente quatre anz ad si sun cors penet:
  deus sun seruise li uolt guereduner.
  mult li angreget la sue anfermetet,
  or set il bien qued il deit aler:
  cel son seruant ad a sei apelet.
- 57 'Quer mei, bel frere, et enca e parcamin et une penne, co pri tue mercit.' cil li aportet; receit le Aleis, escrit la cartra tute de sei medisme, cū sen alat e cum il sen reuint.
- Tres sei la tint, ne la uolt demustrer, ne reconuissent usque il sen seit alet. parsitement se ad a deu cumandet: sa fin aproismet, ses cors est agrauet, de tut an tut recesset del parler.
- 59 An la sameine qued il sen dut aler uint une uoiz treiz feiz en la citet hors del sacrarie par cumandement deu, ki ses fideilz li ad tuz amuiet. prest est la glorie qued il li uolt duner.
- En laltra uoiz lur dist altra summunse, que lume deu quergent ki est an Rome,

324

nach str. 55 ist in der handschrift ein absatz.

si depreient que la citet ne fundet, ne ne perissent la gent ki la fregundent. ki lun oid remainent en grant dute.

- Sainz Innocenz ert dunc apostolie:

  a lui repairent e li rice e li poure.

  si li requerent conseil di cele cose
  quil unt oit, ki mult les desconfortet:
  ne guardent lure que terre nes anglutet.
- 62 Li apostolie e li empereor
  (li uns Acharies, li altre Anories out num)
  e tut le pople par commune oraisun
  depreient deu que conseil lur anduins
  di cel saint hume par qui il guarirunt.
- Go li deprient la sue pietet,
  que lur anseinet ol poissent recourer.
  uint une uoiz ki lur ad anditet
  'an la maisun Eufemien quereiz:
  quar iloec est et iloc le trouereiz.'
- Tuz sen returnent sur dam Eusemien.
  alquanz li prennent forment a blastenger:
  'iceste cose nus douses nuncier;
  a tut le pople ki ert desconseilet
  tant las celet: mult i as pechet.'
- 65 Il le scondit, cum cil kil nel set:
  mais nel en creient, al helberc sunt alet.
  il uat auant la maisun aprester,
  forment lenquer a tuz ses menestrels.
  icil respondent que neuls dels nel set.
- 66 Li apostolie e li empereur sedent et bans pensif e plurus. iloc esguardent tuit cil altre seinors, si preient deu que conseil lur anduins di cel saint hume par qui il guarirunt.
- An tant dementres cum il iloec unt sis deseiuret laneme del cors sainz Alexis: tut dreitemt en uait en paradis a sun seinor q'l aueit tant seruit.

  e reis celeste, tu nus i fai uenir!
- 68 Li boens serganz kil serueit uolentiers,

il le nuncat sum pedre Eufemien: suef lapelet, si li ad conseilet. 'sire' dist il, 'morz est tes prouenders, e co sai dire, quil fut bons cristiens.'

'Mult lungament ai a lui conuerset; 69 de nule cose certes nel sai blasmer, e co mest uis, que co est lume deu.' tut sul sen est Eufemien turnet, uint a sun filz ou il gist suz lu degret.

Les dras fuz leuet dum il esteit cuuert: 70 uit del sain home le uis e cler e bel: en sum puing tint le cartre le deu serf. Eufemien uolt saueir quet espelt.

Il la uolt prendra, cil ne li uolt guerpir: 71 a lapostolie reuint tuz esmeriz. ore ai trouet co que tant auums quis. suz mun degret gist uns morz pelerins, tent une cartre, mais na li puis tolir.'

Li apostolie e li empereor 72 uenent, deuant ietent sei an ureisuns, metent lur cors en granz afflictiuns. 'mercit, mercit, mercit, saintismes hom! nen coneumes net uncore nen conuissum.

Ci deuant tei estunt dui pechetuor. 73 par la deu grace' uocet amperedor, 'co est sa merci quil nus consent lonor; de tut cest mund sumes jugedor: del ton conseil sumes tut busuins.

Cist apostolies deit les anames baillir: 74 co est ses mesters dunt il ad a seruir. dune li la cartre par tue mercit: co nus dirrat quenz trourat escrit, e co duist deus quor en puisum guarir.'

Li apostolie tent sa main a la cartre: 75 sainz Alexis la sue li alascet, lui le consent ki de Rome esteit pape. il ne la list ne il dedenz ne guardet; auant la tent ad un boen clerc Esauie.

32b

74, 5. die hs. grarir

76 Li cancelers cui li mesters an eret, cil list le cartre; li altra lesculterent. le num lur dist del pedre e de la medre, e co lur dist, de quels parenz il eret, di cele gemme qued iloc unt truuede.

77 E co lur dist, cum sen fuit par mer, e cum il fut en Alsis la citet, e que limagine d's fist pur lui parler, e pur lonor dunt nes uolt ancumbrer sen refuit en Rome la citet.

Quant of li pedre co que dit ad la cartre, ad ambes mains derumpet sa blance barbe. 'e filz' dist il, 'cum dolerus message! io atendi quet a mei repairasses, par deu merci que tun reconfortasses.'

79 A halte uoiz prist li pedra a crier
filz Alexis, quels dols mest apresentet!
malueise guarde tai faite suz mun degret:
alas pecables, cum par fui auoglet!
tant lai uedud, si nel poi auiser!

Filz Alexis, do ta dolenta medra, tantes dolurs ad pur tei andurede, e tantes fains et tantes consireres e tantes lermes pur le ton cors pluredes. cist dols laurat en quor par acurede.

81 O filz, cui erent mes granz ereditez, mes larges terres dunt is aueie asez, mes granz paleis de Rome la citet! puis mun deces en fusses enoret, et en pur tei men esteie penet.

82 Blanc ai le chef e le barbe ai canuthe, ma grant honur taueie retenude, et an pur tei; mais nen aueies cure: si grant dolur or mest aparude. filz, la tue aname el cicl seit absoluthe!

Tei cuuenist helme e brunie a porter, espede ceindra cume tui altre per, e grant maisnede douses guuerner, cum sist tis pedre e li tons parentez, le gunfanun lemperedur porter.

A tel dolur et a si grant pouerte,
filz, ti es deduit par alienes terres
e di cel bien ki toen doust estra.
quer amper nei es en ta poure herberge:
se deu ploust, seruit en dousses estra.

De la dolur quen demenat li pedra

De la dolur quen demenat li pedra grant fut li dols. si lantendit la medre. la uint curante cum femme forsenede, batant ses palmes criant e scheuelede; uit mort sum filz, a terre cet pasmede.

Chi dunt li uit sun grant dol demener, sum piz debatre e sun cors deieter, ses crins derüpre e sen uis maiseler, sun mort amfant detraire et acoler: mult fust il dur ki nestout plurer.

Trait ses cheuels e debat sa peitrine, a grant duel met la sue carn medisme.
'e filz' dist ele, 'cum mous enhadithe!
e io dolente, cum par fui auoglie!
nel cunuisseie plus que unches nel uedisse.'

88 Plurent si oil, esietet granz criz, sempres regret, 'mar te portai, bels filz! e de ta medra quer aueies mercit. purquem uedeies desirrer a murrir! co est grant merueile que pietet ne ten prist.

Alasse mezre, cum oi fort auenture!
or uei io morte tute ma porteure,
ma lunga atente a grant duel est uenude:
pur quei portai dolente mal feude!
co est granz merueile que li mens quors tant duret.

'Filz Alexis, mult ous dur curage, cum auilas tut tun gentil linage. set a mei sole uels une feiz parlasses! ta lasse medre si la confortasses, ki sist dolente, cher fiz, bor ialasses.' 33ª

89, 1. l. medre.

90

93

96

97

98

Filz Alexis, de la tue carn tendra, a quel dolur deduit as ta iuuenta! pur quem, fius, ia te portai en men uentre! e deus le set, que tute sui dolente: iamais nere lede pur home ne pur femme.

92 Ainz que tei uedisse fui mult desirruse; ainz que ned fusses sin fui mult angussuse: quant io uid ned sin fui lede e goiuse. or te uei mort, tute en sui doleruse: co peiset mei que ma fins tant domoret.

Seinurs de Rome, pur amur deu mercit, aidiez mei a plaindra le duel de mun ami: ne puis tant faire que mes quors sen sazit. granz est li dols ki sor mai est uertiz: nest merueile, nai mais filie ne filz.'

94 Entre le dol del pedra e de la medre uint la pulcele que il out espusede. 
'sire' dist ela, 'cum longa demurere! 
ai atendude an la maisun tun pedra 
ou tun laisas dolente et eguarede.

95 Sire Alexis, tanz iurz tai desirret e tantes feiz pur tei an luinz guardet, si reuenisses ta spuse conforter, pur felunie nient ne pur lastet.

> O kiers amis, de ta iuuente bela co peiset mai que si purirat terre. e gentils hom, cū dolente puis estra! io atendeie de te bones noueles: mais les ueis si dures e si posmes.

O bele buce, bel uis, bele faiture! cum est mudede uostra bele figure! plus uos amai que nule creature. si grant dolur or mest aparude: melz me uenist amis que morte fusse.

Se io sousse la ius suz lu degret ou as geud de lung amfermetet, ia tute gent ne men sousent turner, 33h

qua tei ansemble nousse conuerset: si me leust, si tousse guardet.'

'Ore sui io uedue, sire!' dist la pulcela.

'iamais ledece naurai, quar ne pot estra:
ne iamais hume naurai an tute terre.
deu seruirei, le rei ki tot guuernet:
il nel faldrat, sil ueit que io lui serue.'

100 Tant i plurat e le pedra e la medra
e la pulcela, que tuz sen alasserent.
en tant dementres le saint cors conreierent
tuit cil seinur e bel la custumerent.
com felix cels ki par feit lenorerent!

'Yeignors, que faites?' co dist li apostolie.

'que ualt cist crit cist dol ne cesta noise?'

chichi se doilet, a nostros est il goie:

quar par cestui aurum boen adiutorie,

si li preiuns que de tuz mals nos tolget.'

Tres tuz li preient ki pourent auenir, cantant enportent le cors saint Alexis, e tuit li preient que dels aiet mercit, nestot somondre: icels ki lunt oit, tuit i acorent, li grant e li petit.

Si sen commourent tota la gent de Rome:
plus tost i uint ki plus tost i pout curre.
par miles rues anuenent si granz tbes:
ne reis ne quons ni poet faire entra rote,
ne le saint cors ne pourent passer ultra.

104 Entrels anprennent cil seinor a parler:

'granz est la presse, nus ni poduns passer

cest saint cors que deus nus ad donet:

liez est li poples ki tant lat desirret;

tuit i acorent, nuls ne sen uolt turner.

Cil an respondent ki lampirie bailissent mercit, seniurs, nus anquerreūs mecine. de nos aueirs feruns largas departies la main menude ki lalmosne desiret: sil nus funt presse uncore an ermes deliures.

106 De lur tresors prenent lor e largent,

98, 4. hinter nousse steht cousse unterstrichen.

sil funt ieter deuant la poure gent. par ico quident auer discumbrement; mais ne puet estra, cil nen rouent nient: a cel saint hume tres tut est lur talent.

107

Ad une uoiz crient la gent menude: 'de cest aueir certes nus nauum cure. si grant ledece nus est aparude di cest saint cors que auum ambailide: par lui aurū, se deu plaist, bone aiude.'

108

Unches en Rome nen out si grant ledece, cun out le iurn as poures et as riches pur cel saint cors quil unt en lur bailie. co lur est uis que tengent deu medisme: trestut le pople lodet deu e graciet.

109

Sainz Alexis out bone uolentet: pur oec en est ci cest iurn oneuret. le cors an est an Rome la citet, e lanema en est enz el paradis deu. bien poet liez estra chi si est aluez.

110

Ki fait ad pechet bien sen pot recorder, par penitence sen pot tres bien saluer. bries est cist secles, plus durable atendeiz. co preiums deu la sainte trinitet, que deu ansemble poissum el ciel regner.

344

Surz ne auogles ne contrait ne leprus 111 ne muz ne orbs ne neuls palazinus, en sur tut ne nuls languerus, nuls nen i at ki nalget malendus: cel nen ni at kin report sa dolur.

112

Ni uint amferm de nul amfermetet, quant il lapelet, sempres nen ait sanctet. alquant i uunt, aquant se funt porter. si ueirs miracles lur ad d's mustret: ki uint plurant, cantant len fait raler.

113

Cil dui seinur ki lempirie guuernent quant il ueient les uertuz si apertes, il le receiuent, sil plorent e sil seruent. alques par pri e le plus par podeste uunt en auant, si derumpent la presse.

- Sainz Bonesace que lum martir apelet aueit an Rome un eglise mult bele. iloec anportent danz Alexis acertes et attement le posent a la terre. felix le liu u sun saint cors herberget.
- 115 La gent de Rome ki tant lunt desirret seat iurz le tenent sor terre a podestet. grant est la presse, nel estuet demander; de tutes parz lunt si auirunet: cest auis, unches hom ni poet habiter.
- Al sedme iurn fut faite la herberge a cel saint cors, a la gemme celeste. en sus sentraient, si alascet la presse: uoillent o nun, sil laissent metra an terre. co peiset els, mais altre ne puet estra.
- Ad ancensers ad ories candelabres clers reuestuz an albes et an capes metent le cors enz en sarqueu de marbre. alquant i cantent, li pluisur ietent lermes. ia le lur uoil de lui ne deseurassent.
- Dor e de gemmes fut li sarqueus parez pur cel saint cors quil i deinent poser: en terre et metent par uiue poestet. pluret li poples de Rome la citet: suz ciel nat home ki puisset atarger.
- Or nestot dire del pedra e de la medra e de la spuse, cum il sen doloserent: quer tuit en unt lor uoiz si atempredes, que tuit le plainstrent e tuit le doloserent. cel iurn i out cent mil lairmes pluredes.
- 120 De sur terre nel pourent mais tenir:
  uoilent o non, sil laissent enfodir.
  prenent conget al cors saint Alexis.
  e si li preient que dels ait mercit.
  al son seignor il lur seit boens plaidiz.
- Vait sen li pople. le pere e la medra e la pulcela unches ne deseurerent: ansemble furent iusqua deu sen ralerent.

114, 5. die hs. le le liu

lur cumpainie fut bone et honorethe; par cel saint cors sunt lur anames saluedes.

Sainz Alexis est el ciel senz dutance, ensemblot deu e la compaignie as angeles, od la pulcela dunt il se fist si estranges. or lat od sei, ansemble sunt lur anames: ne uus sai dirre cum lur ledece est grande.

fist cel saint home en cesta mortel uide, quer or est saname de glorie replenithe. co ad ques uolt, nient nest a dire en sor tut, e si ueit deu medisme.

124 Las malfeux! cum esmes auoglez!
quer co ucduns que tuit sumes desuez.
de noz pechez sumes si ancumbrez;
la dreite uide nus funt tres oblier:
par cest saint home doussum ralumer.

Aiuns, seignors, cel saint home en memorie: si li preiuns que de toz mals nos tolget, en icest siecle nus acat pais e glorie et en cel altra la plus durable glorie. en ipse u'be sin dimes pat' n'r am.

## DIE SCHLETTSTÄDTER GLOSSEN.

Von herrn oberbibliothecar Pertz benachrichtigt dass die Glossae Selestadienses, die bisher nur dem namen nach und durch einige citate Oberlins bekannt gewesen (s. Hoffm. Althochd. glossen § 137), würklich noch zu Schlettstadt in der bibliothek des Beatus Rhenanus vorhanden sein, habe ich den bezüglichen codex zum gegenstande einer genaueren ansicht und durcharbeitung gemacht und theile nunmehr denen welche der deutschen glossenliteratur die gebührende ausmerksamkeit widmen den besund vollständig mit.

Es ist eine pergamenthandschrift in kleinfolio die von mehreren gleichzeitigen händen zusammengetragen allerlei historische geographische naturgeschichtliche und grammatische aufsätze enthält, nebst einigen poetischen excerpten,